

6 He wero he kōwhiringa rānei Ngā wero me ngā kōwhiri

Mahere wātū

Ngā karere matua

- Kei te mōhio au he maha ngā wero, he maha hoki ngā kōwhiringa ka pā ki a au i taku haerenga aramahi.
- Kei te mōhio kē au ki ētahi rautaki ka āwhina kia tutuki ōku wawata aramahi.

Te raupapa wātū

1. Tonoa ngā rangatahi kia huritao ki te haerenga mai mā runga waka o ō rātou tūpuna. Ahakoa i ngā tūpuna ngā pūkenga me ngā mōhiotanga i hiahia rātou, he nunui tonu ngā wero me ngā kōwhiringa i mua i tō rātou aroaro i tō rātou haerenga mai. Ohia manomanotia, hei tauira, te pānga pea o ēnei ki tō rātou haerenga mai, te puhoro, ngā whakaaro rerekē, te hapa ō, ngā tapi waka.
2. Ko te pūtaka o tēnei ngohe he āwhina i tō ngā rangatahi māramatanga he āhuatanga noa ngā wero o tō rātou haerenga aramahi, ā, he matapaki anō hoki i ētahi rautaki mā rātou pea e whakamahi ki te raupatu i aua wero.
3. Pātaihia ngā rangatahi he aha ngā momo wero, kōwhiringa rānei ka tūponotia pea i tō rātou haerenga aramahi. He aha e uaua nei te whakatinana i ō rātou wawata aramahi? Whakatītinatia ngā rangatahi kia tiritiri me te āta whakarongo ki ngā whakaaro o tēnā, o tēnā o rātou.
4. Tikina ake me te tā i te ngohe Kāri wero me te kōwhiri, tapatapahia ngā kari me te hoatu i tētahi huinga ki ia rōpū o ngā rangatahi. Kei te whakamahi kīanga ngā kāri i waia kē ai ngā rangatahi, ka whakaatu anō hoki i ētahi wero e hāngai pū ana ki te hunga rangatahi.
5. Ko tā ia rōpū he matapaki i te mōhiotia i runga i ā rātou kāri me te whakaraupapa i ērā mai i tērā i iti rawa ai te wero ki tērā e nui rawa ai. E whā ngā kāri pātea e āhei ai ngā rangatahi te tuhituhi i ā rātou anō wero me ngā kōwhiringa i runga.
6. Kōrerotia tētahi o ngā wero kua pā ki a koe i tōu anō haerenga aramahi, hei tauira, te kore e whiwhi urunga ki tētahi akoranga, te mate ki te hūnuku ki wāhi kē me te wehe atu i te whānau. I pēhea tō raupatu i taua wero? He aha ngā kōwhiringa i mahia e koe? He aha te hua? He aha ō akoranga?
7. Tukuna he wā ki ngā rōpū e whai whakaarohia ai ngā tino wero nunui i ā rātou kāri, i ō rātou anō ao rānei. Kātahi ka kōwhiri i ngā tino wero nunui e toru mā tō rātou rōpū.
8. Tonoa ngā rōpū kia tautuhi i ngā mahi matua e toru ka taea te mahi hei raupatu i ō rātou tino wero nunui, hei tauira, te whai mahere aramahi, te tautuhi kaiwhakaruruhau pai, te ngākau titikaha, te mātātoa, te hoe i tō rātou anō waka. Āta kīia atu he wāhanga noa ngā wero o tētahi haerenga, ā, mā te noho takatū tērā ka pai tā rātou urupare.

Ngā āheinga aramahi matua

Whakaatu mōhiotanga ki ērā mea ka taea te āwhina, te ārai rānei i te whanaketanga o ō rātou pūmanawa me ō rātou aronga aramahi.

Whakaaturia ngā pūkenga me ngā rautaki ka āwhina i ngā wā o te panoni me te whanaketanga.

Ngā pātai matua

He aha ngā momo wero, kōwhiringa rānei ka tūponotia pea i tōu anō haerenga aramahi?

He aha pea ngā pānga o ērā ki a koe?

He aha ngā rautaki ka taea te whakamahi hei āwhina i tō raupatu i aua wero?

Ngā rauemi tautoko

Kaiārahi PowerPoint 6

Ngohe rangatahi: Ngā kāri wero me te kōwhiri

Roanga

30 meneti